

Kembalikan semula fail *DLL DirectX*

MESEJ amaran ralat, *missing* atau *not found* bagi fail *DLL DirectX* adalah perkara biasa. Program grafik dan permainan sentiasa dibangunkan dan pihak Microsoft kerap mengemas kini *DirectX*.

Muat turun dan pemasangan secara terus fail *DirectX* kepada sistem Windows berupaya mengundang masalah ia tidak berfungsi. Cara terbaik adalah pengembalian semula fail *DLL DirectX* yang hilang dengan mengekstraknya secara individu daripada pakej pemasangan fail *DirectX*.

Seterusnya adalah langkah-langkah yang boleh diambil untuk mengembalikan semula fail *DLL DirectX* yang hilang.

1. Buat carian bagi fail *DirectX* versi yang terkini dalam laman web Microsoft.
2. Klik pada sambungan hasil carian bagi *DirectX End-User Runtimes* (MM YY) yang memaparkan tarikh terkini pelancarannya. Ikut arahan memuat turun fail tersebut.
3. Buat folder baru untuk simpan fail *DirectX* ini.
4. Dwiklik pada fail yang telah dimuatturunkan dan klik butang *Yes* bagi persetujuan lesen.
5. Klik pada butang *Browse* pada kotak dialog, *Please type the location where you want to place the extracted files*. Pilih folder yang telah dibuat tadi dan klik butang *OK*.
6. Klik butang *OK* sekiranya sudah kelihatan jalan folder tersebut pada kotak teks.

Tutorial ICT

Bersama **FIRKHAN**
sembangict@yahoo.com



7. Buka *folder* yang dibuat tadi dan kelihatan banyak fail *CAB*, sedikit fail *DLL* dan fail *dxsetup.exe*.

8. Tempatkan fail *CAB* yang mengandungi fail *DLL* dikehendaki. Sebagai contoh, bagi fail *DLL*, *d3dx9_41.dll* terdapat dalam fail *CAB*, *Mar2009_d3dx9_41_x86*.

9. Klik dua kali pada fail *CAB* tersebut untuk membukanya.

10. Ekstrak fail *DLL* pada *desktop* atau mana-mana lokasi dalam cakera keras.

11. Salin fail *DLL* ke *folder System32* yang terdapat dalam folder pemasangan Windows. Kebiasaannya, lokasi tersebut berada di *C:\Windows\System32*.

12. Buang kesemua salinan fail *DLL* pada *folder* baru tadi dan buang kesemua folder dan kandungannya yang digunakan untuk simpan ekstrak fail *DirectX*. Perkara ini boleh mendatangkan masalah pada sistem Windows sekiranya dibiarkan.

13. But semula komputer.

14. Selepas but semula komputer, lihat sama ada pengembalian semula fail *DLL* sebelumnya berupaya menyelesaikan masalah yang dihadapi.